

VENDIM
Nr. 950, datë 19.12.2012

PËR DISA NDRYSHIME NË VENDIMIN NR. 424, DATË 2.6.2010 TË KËSHILLIT TË
MINISTRAVE “PËR MIRATIMIN E RREGULLORES PËR SISTEMIN E AKREDITIMIT,
ORGANIZIMIT DHE VEPRIMTARINË E INSTITUCIONEVE TË SIGURIMIT TË JASHTËM
TË CILËSISË”, TË NDRYSHUAR

Në mbështetje të nenit 100 të Kushtetutës dhe të pikës 2 të nenit 60 të ligjit nr. 9741, datë 21.5.2007 “Për arsimin e lartë në Republikën e Shqipërisë”, të ndryshuar, me propozimin e Ministrit të Arsimit dhe Shkencës, Këshilli i Ministrave

VENDOSI:

1. Në rregulloren “Për sistemin e akreditimit, organizimit dhe veprimtarinë e institucioneve të sigurimit të jashtëm të cilësisë”, që i bashkëlidhet vendimit nr. 424, datë 2.6.2010 të Këshillit të Ministrave, të ndryshuar, bëhen këto ndryshime:

a) Pika 1 e nenit 9 “Pagesa e anëtarëve të Këshillit të Akreditimit”, ndryshohet, si më poshtë vijon:

“1. Kryetari dhe anëtarët e Këshillit të Akreditimit të paguhen për çdo pjesëmarrje në mbledhje, sipas përcaktimeve të bëra në vendimin nr. 418, datë 27.6.2012 të Këshillit të Ministrave “Për përcaktimin e masës së shpërblimit të anëtarëve të këshillave, bordeve ose komisioneve të njëjësive të qeverisjes vendore”. Anëtarët, ekspertë të huaj, të paguhen për çdo pjesëmarrje në mbledhje me 700 euro/dita.”.

b) Neni 9/1 ndryshohet si më poshtë vijon:

“Neni 9/1

Pagesa e ekspertëve vendas dhe të huaj

1. Ekspertët vendas, anëtarë të grupit të vlerësimit, të paguhen sipas tarifave të përcaktuara në tabelat nr. 1 dhe nr. 2, bashkëlidhur këtij vendimi.

2. Ekspertët e huaj, anëtarë të grupit të vlerësimit të jashtëm institucional dhe të programeve të studimit, paguhen me 700 (shtatëqind) euro/dita, për katër ditë. Procesi i një vlerësimi zgjat jo më shumë se katër ditë. Ekspertëve të huaj u mbulohen edhe shpenzimet e udhëtimit dhe të qëndrimit në Republikën e Shqipërisë, për çdo vlerësim të kryer.”.

c) Në fund të rregullores shtohen tabelat nr. 1 dhe nr. 2, që i bashkëlidhen këtij vendimi.

2. Ngarkohet Ministria e Arsimit dhe Shkencës për zbatimin e këtij vendimi.

Ky vendim hyn në fuqi pas botimit në Fletoren Zyrtare.

KRYEMINISTRI
Sali Berisha

Tabela nr. 1

PAGESA E EKSPERTËVE VENDAS PËR VLERËSIMIN PARAPRAK TË PROGRAMEVE

TË REJA TË STUDIMIT TË IAL-SË

Nr.	Lloji i programit të studimit	Tarifa e propozuar nga APAAL-ja në %, mbi tarifat e udhëzimit 29/1, datë 16.8.2011
1	Vlerësimi paraprak i programit të studimit dyvjeçar jouniversitar	6%-11.300 lekë
2	Vlerësimi paraprak i programit të studimit të ciklit të parë: a) Bachelor	8%-15.000 lekë
3	Vlerësimi paraprak i programit të studimit të ciklit të dytë: a) Master profesional b) Master i shkencave c) Master i shkencave (program i integruar 5/-6 vjeçar)	9%-18.000 lekë
		10%-20.000 lekë
		12%-25.000 lekë
4	Vlerësimi paraprak i programit të studimit të ciklit të tretë: a) Doktoratë b) Specializim afatgjatë	15%-30.000 lekë
		12%-25.000 lekë

Tabela nr.2

PAGESA E EKSPERTËVE VENDAS PËR VLERËSIMIN E JASHTËM DHE AKREDITIMIN E IAL-SË

Nr.	Lloji i vlerësimit	Masa e pagesës së ekspertit vendas të propozuar nga APAAL-ja mbi bazën e tarifave të udhëzimit nr. 29/1, datë 16.8.2011
1	Vlerësimi i jashtëm dhe akreditimi i institucionit të arsimit të lartë a) Një institucion me 1-2 fakultete b) Një institucion me 3-5 fakultete c) Kolegj, filial	15%-120.000 lekë
		20%-150.000 lekë
		10%-100.000 lekë
4	Vlerësimi i jashtëm dhe akreditimi i programit të studimit të ciklit të parë: a) Bachelor	40%-85.000 lekë
5	Vlerësimi i jashtëm dhe akreditimi i programit të studimit të ciklit të dytë: a) Master profesional b) Master i shkencave c) Master i shkencave (program i integruar 5/-6 vjeçar)	30%/-90.000 lekë
		32%-100.000 lekë
		34%-120.000 lekë
6	Vlerësimi i jashtëm dhe akreditimi i programit të studimit të ciklit të tretë: a) Doktoratë b) Specializim afatgjatë	35%-130.000 lekë
		32%-100.000 lekë